

四庫全書

集部

欽定四庫全書

御製詩三集卷一百

古今體一百十六首

辛卯八

七月十日啟程幸熱河駐蹕木蘭行圍即事疊去

歲啟蹕詩韻

有序

三驅獮侯吉涓將啟虞旌兩日秋霖漲盛致稽蹕
路展行期之信宿快晴已過洗車遣衛士以經營
穩渡無煩涉馬牽舟誠速昨來正報梁成灑道何

頓晨後又逢雨集豈柔金之生水信有恒占乃旬
歲而一經竟無愆度辛巳之成規可按

大安之豫適宜遵小

駐御園計里畧同緩頓先臨行館詰朝仍勅停鑾惟農
事之關心積潦懼妨良稼幸田功之蓄目如雲暢
好高原十五蠲租倍常年而更咨善卹七言紀事
疊舊韻而兼誌愜懷

賦霖今歲又逢過生水陰金屬漲河

辛未辛巳皆大雨
水今歲又然或以

辛為陰金值歲主多水
占驗之說豈果有之乎
橋待畢成權駐

輦途看可治先

去聲

循阿幸然高隴仍秋熟惜矣低田受

潦多滿望懼將作虛望

今歲春夏少雨自夏至後膏澤優霑早稼晚禾並皆芄茂滿擬

可望豐收乃七月朔日以來大雨兩晝夜漲潦殊盛深懼妨農今沿途所見高田豐蔚可觀實為得之意外然下隲業已受傷勅免經過租賦十分之五視常例有加並令督臣勘察被水成災者照例撫卹用副廩念自慙之外更云何

駐蹕懷柔縣行宮作

辛巳於石槽兩日曾停蹕今歲似少差一日啓行轡而

昨徘徊間甚覺弗暢志躁緣漸長

上年愁聲

以多經事返

躬一體驗涵養殊欠粹昨晚晴夜陰侵晨大開霽廿里

非為遙稍進猶勝退歸化茲駐旌橋待前途備

石槽行宮啓蹕

按程應駐密雲辛巳因河漲未退前途橋尚需時曾於此停蹕今亦因橋難即成仍駐此以待此間行宮為

皇祖所建且每程適中之地俱有行館備憩想見當年聖意深遠按頓有行宮

聖堯具深意

喜晴

七月十二日

每有喜晴詩足知憂勞倍今朝晴似定徂雲輕變綵西

北捲碧天東南歸大海農功望庶仍行旅愁稍解白河
漲未涸誰謂可立待

白河水漲待橋未成因暫返御園恭問

皇太后安即事書懷

有序

伏庚甫退時行宿漲猶留處暑初交置頓成杠未
遍詔首途而請紆掖

輦稍須東上之園率前導而期侍方舟徐駐適中之館
乃問白河而徑度戒道將需半旬因瞻

紫蘂而依馳詢

安已經三昔爰迴御苑敬侍

慈顏雖兩辛之卜胥符演潤或緣乎歲紀而一水之占
倍惕沮塗偏軫夫農功至如典重詰戎佇俟風高
而表危矧若恩推懷遠行看日近以迎鑾是用摛
言以當誌事

今歲秋霖過辛巳庠奚異漲候橋搯五朝待那安清蹕
密雲城外白河水勢湍急深至二丈餘不能及時減落
搯柱既難以施工牽舟又艱於速致勢三在彼督辦橋

座云非四五日弗克歲事若因此停蹕久待殊為無益
且違定省已閱三日因於十三日仍迴御園恭請

聖母安俟奏報橋
成再奉安輿啟行三日潤應謁

聖慈遮莫園中仍復返逍遙河上豈其宜箕疇默驗咎
徵應惕與慚俱祇自知

處暑

雲斂秋曦耀風輕午爽招天容真處暑地氣已收潮

潮潤

潮濕之文雖不見字典而人率以為常談范成大
征衫潮潤冷鑪薰之句則知宋時亦用之不自今矣御

苑身聊憩河隄念正焦

高晉等奏黃河伏汎甫退七月
初水復加長在在平隄清口亦

有倒漾之勢擬開王營減壩以洩其
漲未識邇日消減若何塵念殊切
更思白檀畔漲退

可支橋

河南巡撫何燭奏報黃河伏汛已過工程平穩詩

以誌慰

秋雨霽靈實異常河工處處慮周防驛馳五百初驚懼

今秋畿輔雨水甚大昨高晉奏黃河防險情形云河南
汛水亦長茲聞何燭有五百里驛章頗為疑懼啓閱驚
懷始
牘覽始終悉審詳
勢甚為浩瀚因督率工員相機
防護加堰鑲修現在漲水全消工程平穩額手
欣慰諭以撫河諸臣及在事員弁下部議叙
拍岸盈

堤將有事安瀾消漲幸無殃手加額為欣猶惕更望徐
淮報吉章

兩江總督大學士高晉總河李宏等奏報黃河水
勢漸消各工平穩詩以誌事

南河居下游其險倍豫省昨聞漲水增塵望常引領朝
來接報章手戰不敢省見云各工平怵然心始定叶毛
城峯山間宣洩勢猶猛無已權輕重王營減溟濤兩岸
謹修防子堰築隄頂坐墊及滲漫隨宜補裏餞叶賴值

異漲消無事獲寧靜洪湖亦漸長抵黃力期併

今年洪澤湖水

小力弱又值黃水盛漲清口遂有倒漾之勢茲高晉等奏日來黃水雖尚高於清七八寸而清水既旺日內自可暢出清口及聞所繪之圖黃水直至淮安已歷數十里恐所過沙停淤積日久有妨運道因諭相度形勢量施人力濬治毋專待其清河安東潦或成災

青七月初黃河漲

勢甚盛隄工在在危險雖開毛城舖峯山開宣瀉尚不足以殺其勢高晉等議啓王營減壩以洩異漲導由鹽河歸海前經奏報情形深切屢念今據奏自開減壩以來黃水日見消落其隄頂漫水堤坡坐墊淤水之處並皆搶築子堰或趙幫裏餞各工現俱穩固即下游出槽漫灘之水亦未傷及田廬惟減壩洩下之水徑由清河安東二縣地瀕河草屋低田間有被淹者已飭屬確勘撫卹不使一夫失所覽奏嘉慰諭卽將高晉李宏及在

工員弁並
予錄叙

一體善撫卹弗致民飢窘叶覽慰南顧憂敬

哉敢自幸

恭奉

皇太后啟程之作

臨河轉蹕謁

徽萱五日徘徊駐御園漲退橋成馳奏牘秋高途治啟

鑾軒

詢以白河漲盛密雲橋難猝成仍回御園駐蹕敬
聖母起居既命努三等於河干董視架橋

並遣侍衛往來詢促昨始奏報剋日成梁遂於十九日
恭奉安輿啟行而經涂坦治如常則由預勅步兵

代為執役因已期舊例可違約每歲巡幸木蘭隨圍之行賞以旌之扎薩克王公台吉等例

於古北口外次第迎鑾今已逾土爾况覲新來待沛恩扈特

期十日豈可復令其久待乎汗渥巴錫等率全部來歸諭令於木蘭覲謁尚有低田

觀圓回至山莊宴賚一切亦須早為部署也

存潦水民艱一路重詳論

紆道

紆道將三里河干易構橋地高避泥濘潦遠茂田苗聊

為聲去農功慰那知野路遙崖邊痕及丈容雲舊橋岸經水衝汕不可施

工構架因迤北紆數里就河面平狹處營梁所經地高阜無泥秋稼極為茂碩覽之慰懷然視岸邊過水漲痕

高幾盈丈迴
念不禁煩懣
迴憶懣難消

過白河

漲水退河濱橋成路可循取材近城郭

月初白河漲盛橋材被衝無存

茲於近城另為購覓鳩工集事

運舫自通津

舊有橋船隨波漂損因勅於通州另購船隻並遣侍

街溯流督運船甫至而橋即成

卓午

安輿度前驅明曉遵

今晨鑒午間已度

皇太后自石槽行宮啓

擬奉

慈輦駐羅家橋後日合緩頓安行且可前途閱視橋道益臻妥善

駐遠亭仍

迎鑾紛

老幼原是意中民

出古北口

柔金勝剛金生水自倍蓰秋初漲潮河勢過昨歲已而何新築城嚙根復致圯賴人知預防避潦早遷徙所以

災轉輕不幸中幸耳

今歲潮河漲勢較去歲更甚因軍民等曾經水患七月初一等日見

大雨晝夜不止即徙高處預防水至雖廬舍被衝而人無傷損猶為不幸中之幸然人鮮寧居亦堪庶念因發帑賞葺房屋並開倉平糶賞借月糧以資口食茲復降旨將旗營各兵糧歲支本色兩季使米穀留餘贍給永裕期饒經過漲已消沙痕存岸涘頽墻埋草木原占川路

峙再築仍再傾當讓地於水

昨歲新修邊墻復經水傾圮茲親臨閱視其地適當

來水之衝邊擊勢所難免不宜與水相爭因諭就缺處
結築礮臺以存規制現傾之垣竟毋庸補修使讓地於
水可杜
後患
宣命罷重為庶免紛更屢如云弛禦邊禦邊豈

繫此
自古長城之築原以設險禦邊已昧在德之訓我
朝幅員遠訖口外仍屬近畿即蒙古新舊諸藩皆
隸臣僕并不得僅云中外一家更無可議為輕
弛邊備又何藉此重門之禦屢事脩復滋費耶

關外

關外田羸關內佳連朝馬上看來皆低雖經潦消原易
高自如雲茂正排茅舍地頭還種韭瓜籬墻角更堆柴
覩斯生計較彼可將曰紓懷轉縉懷

北來

日向北來日減愁
黍風禾露茂迎眸
已知下隰未成滯
更喜高原可卜秋
圖近忘遐誰則免
小佳差勝意堪留
愛斯每為遲行轡
計里何須問野郵

灤陽別墅

灤江橫渡至灤陽
松蓋陰森護廣堂
雖是當前尚餘熱
已知不久欲成涼
遙看雲影間將淡
靜聽波聲猶覺狂
溪狹迅消無害稼
獨遲行旅正何妨

至避暑山莊即事有作

漲消橋就坦途培至止還遲十日來

初傳旨於七月八日啓鑾因雨展期

兩日復以白河漲盛密雲橋難猝就仍自懷柔回駐御園直至督促橋成於十九日啓程較每常至山莊計遲

旬嶺過廣仁境誅蕩門臨麗正象昭回峯容水態如相

迓松牖雲莊暢好陪不事招徠歸遠域行看嘉宴此重

開

土爾扈特汗渥巴錫等率全部十萬衆投誠其汗及台吉等遠來覲謁計九月中旬可至山莊當於萬樹

園開宴行賞如都滿伯特榮凌等之例也

永佑寺瞻禮

一年一度仰

如雲是日秋風豁霽氛
綠水青山恒悅

聖繩

前啓後示為君幼齡

恩育那能忘望歲虔求祇益勤
將撫新來行慶賞庶幾
昭鑒有餘欣

碧峯寺

調御中間坐丈夫飛來花雨著
曾無門前正與碧峯對

試問於斯同也殊

味甘書屋

寺後蕭然精舍宜浮香漉雪試聊為設如每事耽甘者
語有之乎亦可思

秀起堂

先至其他姑舍諸山堂真比衆超如近峯遠嶺秀無盡
秘思妍辭起有餘將擬披襟頓延爽試教褰幌迴含虛
拈毫得句肩輿去孤負誰看架上書

出麗正門恭迎

皇太后即事誌喜

橋穩途平

鳳輦移

康強逢吉謁

慈怡無疆慶外有餘慶不敢期間願永期簷際錘峯對
閨苑階前列水即瑤池神仙境蘊中和氣豫養

高年百倍宜

題宜照齋

嶢嶢跋馬進園門，便有書齋向迴原。
庭據千峯延日朗，窓標雙樹受風翻。
已看林色秋非夏，愛聽禽聲靜不喧。
宜照寧惟供目眺，萬幾絜矩一心存。

却炎榭

已經處暑近白露，況在高山蔭密林。
擬欲却炎炎，早却祇饒恬淡悅秋心。

就松室口號

蒼顏貞德信非虛樂道吾聞諸子與管仲且猶不可召
允當築室就之居

食蔗居

委婉藏山佳居因名食蔗尋鹿探窈深偶此憩巖榭既
狹復豁開誰能窮變化天花落石壁謖濤在松架衣袂
颯生涼漿寒底須借

小許菴

涓涓水與星星火昏暮叩門有必資小許由來成大用

使如菽粟正難之

倚翠亭

亭如倚翠峯峯亦與亭倚譬之色即空無彼安有此賓
主了難分同異將奚擬交蘆辨見中一倒復一起靜思
悟其因所懼西風委

登四面雲山亭子

早晚峭寒卓午熱山中無定有其常敞亭底識最高處
向日坐來猶覺涼

畫屏攢簇衆嶙峋碧落秋澄迴暢神却憶去年遲駐蹕

歷觀題柱闕庚寅

每歲至山莊必登此亭登必有詩題柱昨歲因朕六旬慶典中秋後始啓

鑾至熱河駐蹕四日即幸木蘭未及登此遂闕題詠

四面虛明俯萬巒真教遊目綠雲端摘毫句擬新鄰舊

欲去陳言戛戛難

湧玉亭

山亭坐片時一升自一降馴馬試小步仄棧遵松巷秋雨今年盛久晴溪尚壯亭得未曾有湧玉氣如虹循名

乃偶然清聲出幽淙

玉岑精舍

西北山居此最深等閒跋馬不常尋
陟高降下斯稱便
據榻拈毫率與吟
未可依然為漫語
所欣卓爾寄崇心
促成大笑鳴鞭去
付爾千秋對玉岑

王蒙秋窓良話

戶外萬山羅佳賓
秋墅過陳蕃
欣榻下庾闡
倚窓哦

庚闡

樂賢堂頌
清飈倚窓

良話知奚謂
高情有足多
停橈獨坐者
興會

又於何

晚荷二首

落落蕭蕭開尚仍
擘舟佳會得聞憑
愛蓮說裏稱君子
不遇後凋未足稱

迴舟向浦為橈停
詎藉花臺葉嶼寧
今日挾毫有別趣
綠雲田地點疎星

題枕櫛木盂

舊物山莊典守存

當年敬仰

樸渟敦屏開有似孔雀尾鞭贅又如慈竹根古月猶攜
南海影清溪常汲塞垣源圓方了喻為君道何莫

神堯遺訓恩

即事

崇山峻嶺試遊娛高下巖城繞作郭單騎緣林常遇鹿
扁舟漾泊不驚鳬閒聽颿筑蒼松泛坐愛茸茵細草鋪
與木石居似之矣沛然聞善信能乎

熱

出口覺涼爽山莊候轉更單衣仍盛熱十日為

去聲

連晴

渚際紛鷗浴林中遲鹿鳴

鹿涼始鳴熱則遲弗相間故無聲

秋炎未可

少火迫晚田成

玉琴軒

底知最佳處山抱水環深擇勝築雲館揣稱名玉琴幾

曾慮撥刺

琴不善謂之撥刺

恒是俯跳

平聲沈比似淵明器無絃

却有音

千尺雪

引釃由來一水源高低景各占芳園因而有悟為文法
氣以行之緒是言

滴滴溶溶繞碧潄誰云滕六弗知音設如數典寒山畔
祇擬遙思不擬臨

永恬居

谷轉向西行步隨境入清板橋經幾架雲閣見層甍素
榻偶然據好山依舊呈

兩言垂訓誨萬緒泯將迎

素尚齋

拾級迴廊上畢窮前後齋更高目斯豁尚素意尤諧樹
密不遮戶草生直到階

當年斯示儉聰聰敢違乖

創得齋

石溪往往響流泉泉盡峯迴門面前誰謂山齋得已久
今朝又創豈非然

高下巖松翠蔭籠後凋不改鎮童童於斯漫擬得非創
亦有新青鬣與髮

夕佳樓

築室隨山向山樓所向西故常含夕照因以額前題紫
翠色如幻傑池狀莫齊無殊元亮趣歸去每來兮

過東嶺遂至水月菴

自東而升嶺謂西自西而升嶺謂東崇岡橫拖豈有改
以人分別致不同適坐夕佳樓樓名攬山氣熾熾葉影翻丹

翠秋暄未免意向涼圖就峯陰舐曦避巖樓已自高近
天畧陟數武嶺造巔由斯就下乃甚易峯陰步步隨人
遷熱則喜涼寒喜暖誰恒其情誰知滿水月菴中大士
云如來轉物物轉

山心精舍

菴旁精舍號山心繚曲因之復窈深庭有香泥鹿留跡
樹多嘉蔭鳥耽吟一窓風月偶來往四壁詩書自古今
瞥眼不知幾閱歲種松枝幹已森森

陝甘總督吳達善奏報被災州縣秋禾茂盛情形

詩以誌慰

甘省積歉後農務尤塵念方伯新改任入疆親歷勘

吳達

善自湖廣調任陝甘奏報入境後所見田禾情形云甘省雖積歉之後幸夏雨透足所在秋稼芄勃梗高穗大即安定會寧間有荒蕪之地而已種者亦皆茂碩今胡麻已獲糜子將成穀菽等並次第秀實其殷戶藏積餘糧亦陸續赴集糶售市價因而漸減肆中餅饘麪重而值亦不昂災民俱聞賑來歸人無菜色覽奏為之稍慰

安定及會寧災重民危店不無未種地已種實堪驗今夏幸好雨潤土沃弗欠胡麻糜穀菽穗飽非穠穢秋收

信可卜溝壑庶可贍以此蓋藏家出糶價畧減叶額手
為民慶悔禍

天心厭亦誠難再支哀此惇獨陷申命仍優賑莫遺寧

有濫

甘省被災州縣已撥陝甘二省倉糧四十萬石又撥西安庫銀二百萬兩備賑茲吳達善奏現在查

勘賑務而摺中則以不敢輕視出納剔弊除奸為言因批答以此言尋常災歟則可若甘省連年被災又當別論所謂寧濫毋遺可耳

峯陰

人有時而息日無刻以住試看碧峯陰荏苒向前佈

題燕文貴秋山蕭寺圖

萬嶂秋山螺黛紋，泉聲松韻謾堪聞。
花宮擇勝依峯側，茅店棲卑近水濱。
閉戶僧人自高逸，趁途旅客且殷勤。

畫家說偈示塵世，鮑氏偏徵蕭子雲。

山水家點綴招提標名概為蕭寺不

必果有所指也。卷後鮑恂詩跋引梁武帝造佛寺命蕭子雲飛白書蕭寺事以實之，則鑿矣。

新月

秋月雖過孟却是愁中度

七月初秋霖過多各河漲盛永定北運隄岸俱有漫口低

田不免被潦且潮白諸河難以克期成橋稽程十日對之頗為煩懣

仲已較孟佳，況值忘

愁處漫擬一鉤窄寧非全體露懸宇流寒光映林盪幽趣玉兔豈有翼試看飛不住

半月湖

半月湖圖月未圓一彎印却影澄鮮碧霄輪廓三千里容此湖將逮萬千

即景

一峯陰靄一峯晴晴即炎隨陰爽迎映水岸旁人倒立卧山坡上樹橫生霜遲林葉連空翠露下湖波徹底清

攬鏡乍看增白髮不忘

聖祖弄孫情

文徵明滄江漁樂即用其韻

漁村近水宅如浮
兩箇漁翁閒並舟
置却笊箸魚不捕
且擎大白醉清秋

桂

塞苑何來江國枝
中秋節近不違期
猗風香逐金風遞
浥露穗擎玉露垂
又已隔年省淨品

去歲京中度
中秋看桂

誰能

特地罷摘詞設如擬作月中樹無翼飛來有所思

趙昌丹桂仙禽

姓名割去底須詳

畫中無名氏而舊題為趙昌雖無可考然筆墨精到非名手不能也入

妙傳神合趙昌作對仙禽羽毛潔棲枝亦欲添天香

直隸總督楊廷璋奏報被災州縣情形降旨災重

州縣於八月即行急賑詩以誌事

今年霖雨盛去年意謂災田過昨歲申命方伯據實陳
茲勘大略馳奏至昨歲被水在夏五黍禾方茁即淹暨

今年七月始行潦早種率已收次第視重反輕非諱飾
誠如所言為差慰然成灾究有重者十八州縣深廛意
今年七月初雨水過大河漲漫流低田多有致澇者恐
成灾較去年為甚因命楊廷璋確勘核實以聞並發帑
五十萬兩截漕五十萬石臨賑今據查奏昨歲被水在
閏五月距秋成尚遠早稼亦多淹浸今年之水已在七
月不特高粱有收即早禾亦將次成熟不致有乏食之
虞其言近理似非諱飾第念灾重村莊民食究不免拮
据因降旨將宛平良鄉涿州東安永清固安霸州文安
大城通州寶坻香河武清新城雄縣天津靜海寧晉等
十八州縣成灾八分以上者無論極次貧戶急賑八月
俱於八月內先行急賑一月口粮俾資接濟

命即行未可待冬沿向例無遺寧俾均霑盖已頻言

亦增愧

微雨

八月初九日

快晴將廿日微雨灑中秋入夕山容隱隨風窓響留禽
眠寒覺穩鹿叫遠聽悠別有愜懷處韭菰綠潤疇

恭奉

皇太后遊獅子園即景成什

昨宵微雨曉來晴早協涓辰侍

輦行路淨塵埃足底迅園生歡喜面前迎溪聲過漲為

音細花色當秋作意榮獻

壽南山近可指

萬年不盡共予情

賦得片雲舒卷

片雲飛作影西東四字

題楣寓意崇

當日蕭閒樂無盡

後時紉縵蘊其中即看出岫舒還卷依舊寫楹散復籠

金定八人卷一百
一歲獅峯遊一度去來不繫或堪同

松栢室

庭前植雙樹一栢一蒼松形作龍鱗老影蟠虬蓋重春
秋閱年度朝暮伴雲封擬欲諮詩禮徘徊竟莫從

含青齋

石城盤陟進園門向北巖齋可憩言樹色千峯猶張王
二皆去聲秋曦一牖耐溫存虛中足納青瑤入風處還疑碧
練翻度閣芸編堪汲古慙無多暇靜探源

松霞室

春風秋月經千歲暮靄朝嵐鎮古形誰曰山中無定色
盈窓看取是恒青

挹秀書屋

芸編插架靜惜惜取便翻看足沃心六藝清芬真萃秀
挹之不藉更他尋

碧靜堂

一谷經千曲非遙轉致深碧兮如濯目靜矣恰宜心林

未玫瑰色泉猶琴瑟音秋長今歲獨啣鹿且遲尋

賦得秋水灌河

得方字八韻
鄉試題

百川灌河至河伯喜陽陽極望無涯涘通流合渺茫馬
牛渾不辨鷗鷺若為翔盡美謂超類安知有大方東行
因到海北面乃驚洋既歎旋思殆難窮固莫量庶堪語
理道惟在反真常滿損謙受益虞書已道詳

錢陳羣奏進謝恩詩至即以其韻答之

宣毫端硯常隨側即景摘詞每寓欽何必多思甫老句

所無逸緬旦公心往來筆札如覲面賡和篇章每託忱
善頌雖卿頗自許不忘規更佇佳音

中秋夕即景

塞天寥廓淨纖雲尺五廣寒桂馥聞勝地雲山真地表

雲山勝地為三十六景之一每歲度中秋於此

中秋風月正秋分

是日恰值秋分

光流

銀漢澄無滓輪掛鑄峯迴出羣雅愛鹿鳴和聲絃管隔

年清賞越堪欣

去歲以六旬大典於京中度節

紅葉

秋令今年頗覺炎綠雲猶護遠峯尖金官昨夜研朱筆
玫紫猩紅幾點添

新紅剛染衆青中便覺林光致不同日日看來忽有此
為能爾者是誰工

靜含太古山房

自我來山莊西峪茲兩至一以少閒暇一以多政事對
山頗自笑何必煩點綴增景則不無仍付鹿守訖叶巖
房本弗多勝惟據幽邃太古豈其遙峯林詎改置就飾

斯非難反靜未云易

不遮山樓

拾級俯臨萬景披紅增綠褪仲秋時開門宗祖不遮意在彼吾心匪在斯

澄觀齋

氣寒因地迴雲斂覺天寬寥泝廓眼界虛明契性濡瑤林猶纈綠錦壁漸含丹觀至澄觀處無澄那有觀

翠雲巖

雖覺菁蔥翠尚鮮層雲意漸向紅偏昨年已是孤題句

未可今秋更置然

去歲以過中秋始來山莊駐蹕日少此處未經題句

林岑風拂互低昂日日輕雲作護霜此意分明具神解

畫工應惜綠琳瑯

題有真意軒

西峪幽深弗數至至斯佳趣得殊前愛循棧徑忘行倦
忽造山軒可憩便問舍鱗依城郭外黍禾墉積圃場邊
問予真意於何在不離去聲民情是我田

空翠書樓

空林圍四面翠影落中庭耐可悅心性誰能擬色形既
虛無侈望惟寂有餘聽書卷原陳几所慙善取型

對畫亭

虛亭置牖糊雲母風月四時無盡藏嵐靄峯巒常變幻
可能如是笑倪黃

梅檀林

跬步峯形有萬千淨香披屐忘塵緣何須兜率天中覓

澗葉巖枝豈不然

澄霽樓即目書懷

邇日秋山每作雲護霜綠樹惜殷勤

霜遲斯葉綠雲佈則無霜

偶登

樓級澄逢霽恰對檐題望特欣映旭枝頭翠猶滴翻風
葉背紫微分林巒趣易知詳悉物理民情較此紛

熱河啓蹕幸木蘭行圍之作

有方必告敬詢

安綰茂旃旌指木蘭宿雨汎塵途不濘曉雲漏日氣非

寒問程已熟行來近納稼逢饒志為寬適報遠人歸順
至朝家菟典俾同觀

山村

山村野墅望相連徼幸登秋值有年納稼每看多積圃

餘糧未盡尚棲田河東移粟稍資益

今秋近畿被水州縣低田不免歉收

而門外豐稔倍常蓋藏充裕因令楊廷璋諭其販運入口售糶內地既接濟有資而邊民亦不虞穀賤自為兩得

得
澇地庶民劇可憐飢已難堪寒即至欣茲忘彼豈宜

然

入崖口

河非亦九曲

是慶河名伊遜蒙古語九數也自發源慶九曲而出崖口

地險設雙崖

秋景依然好小園按例排

甫入木蘭境例試平川小園次日乃大獵

馬調麾

足怯鷹攫雉毛筵十里擅廬近拈吟正復佳

暖

山莊秋仲寒已峭季月木蘭氣轉溫細毳清晨渾不冷
薄綿卓午尚嫌暄翻風綠葉雜紅葉晃日霜原作露原
最是草肥宜牧馬諸藩執役喜同存

雨九月初五日

邇日異常暖情知蒸雨霏度林捲霧帳拂嶽鎖煙扉旃

屋簷塵潤棉衣變冷微所欣圍罷後

是日自晨作陰圓罷後始雨

即

景紫毫揮

土爾扈特汗渥巴錫等至伊綿峪朝謁詩以紀事

通使曾經丙子年

土爾扈特汗敦噶布喇什曾於乾隆丙子秋遣使入貢今其子渥巴錫率

全部歸順更爲不期而至者

茲徠統部不期然名編典屬非招致禮

肆鴻臚合惠宣類已全歸衆蒙古峪徵嘉兆信伊綿

是地

舊名布祜圖昂阿乙亥秋噶爾藏多爾濟來朝於此丁丑戌寅哈薩克布魯特歸化其使臣並於此朝謁因名斯峪曰伊綿今土爾扈特全部歸順又適瞻觀於此伊綿者漢語會歸之意也無心蜀望猶初志丙子宴土爾扈特使臣詩有無心蜀望更勤遐之句蓋彼時土爾扈特猶遠阻俄羅斯雖有嚮化之心無由徑達朕並未嘗稍存奢望即今渥巴錫等棄俄羅斯屬內附亦非有藉招致而徠且準噶爾四衛拉特從此無不隸我臣僕尤始念所不及耳

天與欽承益鞏虔

重九日作

何處登高好興安天與鄰心懷同廓落眼底俯嶙峋地

淨山如水氣暄秋似春重陽宜宴賞況有遠徠人

是日黃幕

賜食土爾扈特亦命入座

題鄒一桂菊花

女夷賦萬花獨賦菊於秋素節冷淡姿情性雅相投其
初惟一黃紅紫色漸稠質之紫桑翁弗知首肯不

題痕都斯坦菊花碗

徑一圍三尺有餘水磨工異考工書耳垂翻出雙苞綴
足砥紛承碎瓣舒包貢却非來玉隴

和闐所屬城名

通商恒是

欽定四庫全書

卷一百

走渠胥

痕都斯坦猶在拔達克山西南彼處商人時持玉器來鬻葉爾羌

菊花依舊重

陽節合贈淵明五柳居

出哨

哨裏今春暖哨寒出哨逢化工具神運

天愛有殊鍾筑奏風鳴樾畫張雪積峯

是日微雪

行宮原避

冷拈詠得從容

木蘭旋蹕至避暑山莊即事有作

木蘭肄武罷秋圍是日山莊旋蹕歸勅政肝宵仍別殿

詢

安歡喜謁

慈闈舊藩莅止入邸舍

四十八旗王公等以執役歲久此間或有置邸舍者

新附

隨來換散衣

土爾扈特台吉渥巴錫等於木蘭入覲後即令其隨至山莊將行宴賚是日先加封

爵並視其秩予以章服有差

行慶施恩舉次第園看萬樹有光輝

普陀宗乘廟落成拈香得句

逋肖何妨屢普陀

普陀有三一居額訥特珂克即印度一居圖伯特即西藏一居南海而西

來因緣則始自印度而西藏而南海南海特大士行教示現之所印度又遠不可稽惟西藏都綱法式具備因

於山莊北麓仿其制為之

金剛四句括無多層樓金瓦輝香象徧袒

黃衣演法螺虔為祝

釐開八秩會逢歸極仰三摩

今歲恭遇旬萬壽因建此廟慶迺

皇太后八

慈禧茲屆歲工慶落會上爾扈特汗渥巴錫等適至以其素重黃教命往瞻禮俾益深感悅

撰良慶

落欣瞻禮曰罪曰知且付他

萬樹園賜宴土爾扈特汗渥巴錫等即景成什

汗仍其舊號新綏餘各優封五等施

渥巴錫乃其舊汗敦魯布喇什之子

本應襲汗者茲予封號曰卓里克圖汗其策伯克多爾濟封為親王舍楞班巴爾封為郡王餘則貝勒貝子各

四公二封
爵有差

契必詎徒四百帳招搖那藉九夷旗寧餽珍

膳飽以德馬湏蟻醪醉不辭于古為稀今厚幸

天恩

祖烈奉惟寅

清舒山館

山莊歲歲臨山館秋孟忽忽季秋葉落隔窓疑雨落
水流過砌共時流向陽暖處每久坐值暇餘中此漫遊
景曰清哉莫如靜興於舒矣更宜收

萬樹園燈詞

西陲平定已多年宴賚頻施畢後先孰意新歸額濟勒

渥巴錫等舊居俄羅斯之額濟勒今棄其游牧率屬歸順因視都爾伯特榮凌等來歸之例於山莊宴賚並設

燈筵火戲
俾得預觀
山莊重看設燈筵

程經萬里不辭遙嘉與優恩詠蓼蕭自是勞徠惠遠部

非關尋樂借元宵

通使昔曾阿玉奇今來明背俄羅斯納降彼已先孤約

以此折之信得辭

初舍楞竄入俄羅斯曾向其一再索取俄羅斯竟未送還設俄羅斯以渥

巴錫等叛彼來投向我求索即以舍楞事折之彼亦無辭以對

舍楞逃去復還歸悔過斯應前昔非習與光明有如是
縛鷄籠內豈為威

夕峯漸隱夕陽暉萬樹須臾萬燭輝望後漫嫌無月色
上元景物豈其非

詎止隨園按歲輪頻繁來集仰流鱗

扎薩克王公等每歲更番入觀隨園

今都爾伯特親王榮凌烏巴什等亦來朝謁與宴彼即四衛拉特之一且舍楞所舊識也
心生羨明有伊犁舊識人
新來那不

纏頭環耳各隨宜何必衣冠盡改之獨幸文身南掌使

也隨班末仰威儀

南掌國每十年一貢適其使臣職貢
來京兼祝

聖母萬壽因令於山

莊親謁俾
一體與宴

寶塔輝煌百十層鏤錫膜拜法王燈棄幽真是心源澈
設教休誇神道能

恭奉

皇太后自熱河還蹕之作

行慶柔徠畢歲儀栢冬旋蹕指京師仙莊歲至漫迴顧

仁嶺雲齊景仰思

廣仁嶺康熙五十七年
賜名來往所必經

一路承

歡申愛敬

高年益健懷衷私如斯百度猶無厭層巘喬松與永期

雨過青石梁

十月初四日

徹夜連纖曉未晴輕輿已備御而行

自辛酉秋狩以來
雖甚雨雪皆乘馬

過青石梁而行今晨以值雨所司備輶輿遂御之昨未
蘭中曉往獵場亦有乘輿以行之日雖從衆請自愧不

如少年耳順時養體欽

天道漸石膠車驗物情宜雪雨零候緣暖

往年此際
外已作雪今

歲氣暖
故仍雨

降高早就谷循平披煙南望慰心處潤透冬田

麥始萌

恭奉

皇太后迴蹕至圓明園

秋暖今年喜異常

安輿旋轉小春陽塞莊攬景

心恒豫園藥就溫

體益強籠陌陰仍柳葉綠噴階香簇菊花黃延

釐慶典行將近嘉與羣工宿悃償

陝甘總督吳達善奏報甘省收成八分有餘並籌

買補倉糧詩以誌慰

春聞甘省災切切為塵意思以救民命不遺餘力計

今春

因甘省疊被偏災收成歉薄舊欠日多特降旨將節年未完民借籽種口糧四百萬餘石暫行豁免其未完銀一百三十二萬餘兩分作六年帶徵又撥陝西庫項二百萬兩以備賑糶復以甘省正供本年適屆輪免其災蠲之項已概其中而積歉災黎實堪軫念因將被災各州縣應行議蠲者降旨展至明年按分補蠲以蘇民困

上蒼本好生旋轉起顛顛夏雨秋遲霜有收八分暨乃知

天德恢勝人力百倍

叶

糧價入市平傷農慮大吏和糴

防殄穀更留不虞備慰哉允所請仍為

去聲

前茲愧

賜錢陳羣

祝

嘏重來紫禁攀依然鶴髮昭童顏枕流漱石家鄉慣實語真情前席間不覺六年如一日更期百歲領三班

陳羣

於辛巳 慶典即居致仕九老之次茲復與嘉會為
林下諸人領袖而精神矍鑠如前計其再來恭祝
九旬慈壽陳羣 鬼神弗問蒼生問吉甫清風補袞閑
亦將百歲矣

齋宮夜雪

十一
月望

申末

天衣佈亥初瑞葉舒繼飄旋繼大時疾復時徐問徹五
更夜知霑三寸餘明當詣

壇宿憑輦慶何如

詣齋宮作

善霽曦光暖

俗以無風而霽謂善晴

平明出鳳闈重樓皆積玉九

陌漸融銀

天澤先長至

慈輦被普垠齋宮排鵠立

陪祀王公百官例於齋宮候駕

此喜共羣臣

冬至

南郊禮成述事

燭田輦度玉田皴

壇陟三成典恪循幸值

敷恩早往歲益塵祈穡謹微身復來恰是先七日

蝦錫欣逢開

八旬

壽母萬年

純佑命敢稱燕喜倍虔寅

九老會詩

有序

徵會昌之盛事祝

釐曾頌叶作朋繼辛巳之鴻儀增美仍序偕尚齒茲屆

慈闈八旬萬壽復得香山九老三班秩文武之崇階領
以宗藩矍鑠列林泉之耆碩遂其嘉會逍遙合廿
七人之歲月多多積榮而

延洪若券卜萬億年之

升恒永永依旬而紀瑞如環

累洽重熙欣符

景運載賡作繪具有成規用倡長言更期述舉

九老三班前例曾十年一舉

介釐增

八旬慶溯

七旬典辛卯祥開辛丑徵肝食宵衣猶此佐

右二王七文臣共六

百八十歲

啓疆拓宇底須能

右武臣九人共六百八十五歲

優遊林下同

來賀

右致仕九人共七百二十九歲

萬壽稱觴合作朋

詠蟠桃玉石子

和闐玉河產玉久水精土氣侵尋受出亦待時非凡偶

萱闈茲值八旬壽地不愛寶呈瓊玖一顆形似綏山有
暈霞含赤如中酒三千歲熟雙成取崑崙致獻西王母
億萬斯年祝

曼耆

冬至月廿五日

聖母皇太后八旬大慶慈寧宮行禮喜成長什

璿冊新鐫薦

懿稱萊衣晉舞率孫曾以天下養慶儀備

居五福先繁祉膺

名壽都緣大德得

康強欣共介齡增六旬帝子

八旬母史策誰曾見此曾

命九老等遊香山再用白居易詩韻

七賢初作洛中會增二纔成九白鬚

洛中尚齒會初本胡吉劉鄭盧張與

居易而七後益以李元真及禪師如滿始足九老之數見居易自序

豈似三班同祝

嘏遂教一日共遊娛恩因尚齒優而渥興忘引年豪且

麤那許林丞閉門拒何妨內使陟山扶拈髭佇待新詩

詠選手仍依舊例圖更有三人重寫像

顯親王及錢陳羣鄒一桂三人

於辛巳恭逢

皇太后七十旬慶典已

入九老會中今復康強預列洵為異數

方茲榮幸世真

無

賜錢陳羣南旋歸里之作

剛喜談心頻席前胡為慶歲又當旋幾番笑語消一瞬
重晤風光期十年雪阻長途仍發軔冰凝順水未開船
精神健豈妨跋涉却是南瞻每眷然

除夕

一歲一宵盡
明春日臨桃符辟邪
換栢酒迓祥斟祇
覺孫曾長
那知年紀深
自惟弗易者
方寸愛民心



御製詩三集卷一百

蓋聞健運有常者天之道日新不已者聖之功
仰惟我

皇上勤政立教敷於訓行

宵旰之暇寄情六義本無逸之念課有恒之程自元
旦以迄除夕篇無虛日編以紀年

初二集所刻凡薄海藝林久已共親

日月之光華聆謦韶之聲振矣茲自庚辰迨於辛卯
復閱十有二年積

詩萬一千六百餘首編成

三集統一百卷蓋

二集之富較

初集以倍茲

三集之成卷增於

二集又十之一篇增於

二集又十之四芑含萬有賅洽羣言瞻跂

鴻文益欽浩博譬諸登泰岱者躋攀久而愈仰其崇

隆觀滄瀛者矚望廣而愈形其浩瀚臣等叨塵

禁近

吟篇初下每以先覩為榮今編刻既成盥誦之餘愉
快更不能自己敬因綜薈尋繹於是集起訖實
有以見

德盛化神

天人交慶適符元會者焉溯自庚辰為我

皇上五旬萬壽辛巳為

皇太后七旬萬壽時則西師凱旋闢地二萬成功告慶
而是集以始迨於庚寅

皇上六旬萬壽辛卯

皇太后八旬萬壽時則土爾扈特全部歸誠率屬內附
而是集適成中間

披

輦時巡

兩幸江浙

再莅浚津

詣闕里

禮岱宗

陟臺麓

大典所昭

大文益煥又若星辰經緯之久而彌光雲霞蒸蔚之
增而彌耀洵有非膚見淺識所能繪擬形容者
至於敬

天法

祖之忱承

歡教孝之本

劭農而課晴問雨

勅政而咨牧命官甲乙之

恩榜迭開銀粟之正供遞免以及

寫仁智之契

闡行生之機時

覽古以訂譌每即事以紀實韻或數疊體無不兼蓋

炳炳乎措而咸宜進而愈上者矣

臣等於

初二集雖嘗一再揄揚究未得窺見毫末茲復颺言
三集更無由罄其握管扣槃之愚然於可得聞以極
於無能名竊以為

聖人之文一天之文蓋惟無逸是以有恒亦惟有恒
益徵無逸疊疊不窮即生生不息

大文之美富其在斯乎

臣

劉統勲

臣

劉綸

臣

于敏中

臣王際華臣表曰修臣觀保臣董誥拜手稽首

恭跋

欽惟我

皇上文思光被久道化成宵旰時幾寄情篇什煥然
蔚炳與歲俱增要皆本

至誠無息之一心發為

大聖多能之餘事而卷帙之富亦遂超軼古今蓋自
御極以來丙辰至丁卯一紀所作四千有奇訂為初
集戊辰至己卯一紀所作八千有奇編為二集
以次刊布固已漸被海寓範模藝林矣茲恭值

聖主綺甲初週疊開昌運邈自庚辰閱今辛卯又十
二年積詩凡萬一千有奇裒然大觀協辦大學
士尚書臣于敏中編排壽棗既成臣得受而祇
讀敬謹由繹仰見我

皇上對越

天

祖敬日躋而德日新

辰告臣民義愈精而仁愈熟用是

治登熙皞

恩浹垓埏合萬國之歡心奉

九重之色養

慈寧悅豫慶典駢敷七旬而介

祉清凉掖

輦紀山呼之盛八袞而延

釐泰岱升中載

天錫之純中間江介兩巡山川助夫藻翰津門再幸瀛

金方四月八日
海暢以文瀾抒疏濬之宜則支港燦如指掌示
宣防之要則芟楫習若躬親加以

德威遐播絕徼賓將來歸而嚮化於自然面內而輸
誠於大順一經

天筆摘華遂使海濱月竈之惆恍流露於研辭琢句
之際而鴻猷景烈之燦著昭晰於和聲依永之
間至若

思精體大詞各備夫雅頌風謠言約義賅旨實貫乎

典謨訓誥下逮一人物之叅訂一名勝之考稽
即景言懷詆風書實亦必盡甄陶之趣殫墳典
之微蓋無不發前人所未發而獨標妙蘊於天
成者誠千古詩學之極軌已臣歸田二十年中
承

旨和詩綜計矢音之什不下千餘每仿宋臣李昉得
謝無事焚香日誦御詩及拜手賡颺則又倣陸
游日課一詩故事是則

御製三集之成先覩為快宜莫如

臣

而廣和之多亦

莫如

臣

以

臣

散材荒殖竊幸藉迪顛蒙少尋塗

轍顧

臣

所撫髭吮毫而彌形其竭蹶者不過滄

海一螺太倉稊米若夫

聖製之睿敏佇興而作寸晷不移下筆成章直䟽便

就既已風發泉湧雲委波厲文鋒乍振則鈞韶

自諧輕翰暫飛則天葩競發矧乃川至不舍

天行自強學遜志於脩來道從心而大適故即驗諸

決歲之近數卷之中舊題而疊至四三彊韻而
壓凡六七莫不詞采瞻麗意悟冲邁自杼杼軸
而高堅莫罄其仰鑽不假鑪錘而工巧悉歸於
神化此豈天下文人學士所能窺測萬一哉然
其喁喁嚮風之誠則較前此思讀

初集二集者又不啻倍之矣自此津梁承學曷有涯

涖而

臣

以望九之年祝

嘏面闕蒙

恩命跋得再預侍從諸臣之列挂名簡末其為榮幸

更當何如耶太子太傅 恩加刑部尚書在

籍食一品俸

臣

錢陳羣拜手稽首恭跋